

Այս թերությունները, սակայն, չեն արժեքազրկում և. Մարգարյանի գիրքը: Մենադրությունը, ամբողջությամբ վերցված, ծանրակշռում է ուսումնասիրությունը է, որը քննարկվող հիմնական հարցերը միշտ են լուսարանված:

որ կան երբ, հետաքրքիր հետևություններ ու եզրակացություններ: Ե. Մարգարյանի ուսումնասիրությունը գրական երևույթ է սովետական արևելագիտական գրականության մեջ:

Ն. ԳԵՂԱՄՅԱՆ

«ԶԱՐԹՈՆՔ» — ԲԱՑԱՌԻՎ, ԲԵՅՐՈՒԹ, 1962, 500 էջ

Վերջին տարիների ընթացքում սփյուռնում չույս տեսան զգալի թվով գրքեր, տարեգրքեր, հուշագրություններ, որոնք բավականաչափ լայնորեն լուսարանում են սփյուռնի և Սովետական Հայաստանի կյանքը իր բազմազան կողմերով: Իրանց թվին է պատկանում «Հարթոնք» խորագրով տարեգիրքը, որը լույս տեսավ Բեյրութում: Համաձուլն թերթի 25-ամյակի և ոամկավարների կուսակցության 40-ամյակի առթիվ: Այն ուշագրավ տեղեկություններ է պարունակում սփյուռնահայ մամուլի, դպրոցների, մշակութային ու հասարակական կազմակերպությունների, սփյուռնահայ գաղութների անցյալի և ներկա վիճակի մասին: Տարեգրքում հատուկ բաժին է նվիրված Սովետական Հայաստանի գիտական ու կուլտուրական կյանքի լուսարանմանը: Ծանոթանա՜ք «Հարթոնք»-ըացասիկում տպագրված մի շարք նյութերի հետ: Ըստ տարեգրքում բերված տեղեկությունների, այժմ սփյուռնում հրատարակվում է 127 թերթ և ամսագիր: Հրատարակվող օրաթերթերի ընդհանուր թիվը, բոլոր գաղութներում միասին վերցրած, կազմում է 15, շաբաթաթերթերինը՝ 26: Մենք ունենք հայահոծ գաղութներ, որտեղ լույս են տեսնում պարբերական մամուլի 20-ից ավելի օրգաններ (Ամերիկայի Միացյալ Նահանգներ, Լիբանան), Հայկական թերթերի ու ամսագրերի թվարկումը մեզ տանում է Թուրքիա, Սիրիա, Լիբանան, Եգիպտոս, Եթովպիա, Ֆրանսիա, Բուլղարիա, Ռումինիա, Արգենտինա, դեպի հեռավոր Ավստրալիա: Եթե չհաշվենք դաշնակցական մի բանի թերթեր, սփյուռնահայ մամուլի մնացած օրգանները ավելի կամ նվազ չափով կապված են հայրենի իրականության հետ և ավելի կամ նվազ հետևողականությամբ լուսարանում են Սովետական Հայաստանի կյանքը:

Տարեգրքի հատուկ բաժնում Ասատուր Մակարյանը մեզ պատմում է սփյուռնահայ դպրոցների մասին: Ենահատելի ու խրախուսելի ուսումնասիրություն է կատարել հեղինակը, տալով Լիբանանի, Սիրիայի, Իրանի, Թուրքիայի, Իրաքի, Հորդանանի, Ֆրանսիայի և մյուս գաղութների դպրոցական կյանքի համապատկերը: Ուսումնասիրության շրջանակներից դուրս

են մնացել միայն Հարավային Ամերիկայի հայ գաղութների դպրոցները: Համադրելով տարբեր գաղութների դպրոցների վերաբերյալ վիճակագրական տեղեկությունները, դժվար չէ նկատել, որ հայկական դպրոցական գործը ավելի լավ է կազմակերպված Մերձավոր և Միջին Արևելքի հայ գաղութներում: Լիբանանահայ գաղութն այժմ պահում է 66 դպրոց, որ սովորում է մոտ 14 հազար երեխա: Դպրոցներում պաշտոնավարող ուսուցիչների թիվը հասնում է 856-ի: Սիրիայում կա 64 հայկական դպրոց, ավելի քան 15 հազար աշակերտով: Զգալի թվով հայկական դպրոցներ կան Իրանում, Թուրքիայում, Իրաքում, Եգիպտոսում և Մերձավոր ու Միջին Արևելքի հայկական մյուս գաղութներում: Բերախալի է նշել, որ հայկական դպրոցներ են պահվում ալյուսի փոքր գաղութներում, ինչպիսիք են Եթովպիայի, Սուդանի, Հնդկաստանի, Կիպրոսի, Կանադայի հայ գաղութները: Կրթական գործը անմխիթար վիճակում է գտնվում ալյուսի մեծ գաղութներում, ինչպիսիք են Ֆրանսիան և Ամերիկայի Միացյալ Նահանգները: Իսկական իմաստով այստեղ հայկական դպրոցներ գոյություն չունեն: Եղածները կիրակնօրյա դպրոցներ են, որտեղ երեխաները շաբաթական երկու-երեք ժամ հայերեն են պարապում:

ԱՄՆ-ի 250 հազարանոց հայ գաղութում այդպիսի դպրոցներում սովորողների ընդհանուր թիվը 2500-ից չի անցնում: Նույնն է վիճակը Ֆրանսիայում: Հայտնի է, որ հենց հայկական այս երկու գաղութներում տեղի է ունենում ծուլման ուժեղ պրոցես: Ցանկալի կլինի, որ շարունակելով իր ուսումնասիրությունները, հեղինակը տար հայկական դպրոցների տնտեսական վիճակի, ուսուցման սխեմայի և դպրոցական կյանքի մյուս կողմերի ամբողջական պատկերը:

Գաղութահայ աշխատավորությունը օրհասական ջանքեր է գործադրում պահելու իր ազգային գոյության հզոր ազդակներից մեկը՝ հայ դպրոցը: Զուրկ պետական ապահովությունից, միշտ զգալով ուսուցիչների ու դասագրքերի պակասը, հաղթահարելով տեղական իշխանությունների կողմից հաճախ հարուցվող խռչնե-

դոտները, կրելով այլևայլ գրկանքներ, սփյուռ-
րահայր, այնուամենայնիվ, իր զավակների հա-
մար ստեղծում է հնարավոր բոլոր պայման-
ները, որպեսզի նրանք ուսումնասիրեն հայոց
լեզուն, հաղորդակցվեն հայրենի իրականու-
թյանը, ուսումնասիրեն հարազատ ժողովրդի
անցյալն ու ներկան, ապրեն ու ոգևորվեն հայ-
րենիքի նվաճումներով:

Զափազանց կարևոր ու գործնական նշա-
նակություն ունեցող հարցեր է շոշափում իր
հոգիվածում Թորերտ Ճեպեճյանը: Պետք է ու-
սումնասիրել հայ գաղութների անցյալն ու ներ-
կան, այդ նպատակով պետք է խնամրով հա-
վարել, ի մի բերել, մշակել ու հրատարակել
այն, ինչ վերաբերում է հայ գաղութների անց-
յալին ու ներկային և այսպիսով նախադրյալ-
ներ ստեղծել, որպեսզի գրվի հայ ժողովրդի
ամբողջական պատմությունը, այս է հոգիվածի
հիմնական դրույթը, որը, ինչ խոսք, ողջունելի
է: Այդ աշխատանքի կարևորությունը ընդգր-
վում է այն իրողությամբ, որ սփյուռքահայ մի
րանի գաղութներում տեղի ունեցող ձուլումը
առաջիկա տասնամյակների ընթացքում կարող
է հանգեցնել գաղութահայ ազգային կյանքի
շատ կողմերի անհետացմանը: Հեղինակը բարձր
է գնահատում այն գիտական մեծ աշխատանք-
ները, որոնք տարվում են Հայաստանում հայ
ժողովրդի պատմության հարցերի ուսումնասի-
րության բնագավառում: «Անցյալի առանձին
աշխատողներու փոխարեն,—գրում է հեղինա-
կը,—այսօր գոյության կոչված է հսկա կազ-
մակերպություն մը, Հայաստանի Գիտություն-
ների ակադեմիայի պատմության ինստիտուտը:
Այստեղ խմբային ձևով առաջ կտարվի հսկա-
յական աշխատանք հայ ժողովրդի կյանքի ու
մշակույթի պատմությունը վերականգնելու և
անոր մոտացված անցյալը ի հայտ բերելու
համար» (էջ 241):

Բացի վերը հիշատակված նյութերից, տա-
րեգիրքը հետաքրքիր հոդվածներ է գետնից
էրանանի հայ գաղութի պատմության, Հայ
բարեգործական ընդհանուր միության, Եգիպ-
տոսում գործող Ազգային հիմնադրամ կոչվող
կազմակերպության, Թերեյան մշակութային
միության, Գալուստ Գյուլբենկյան հիմնարկու-
թյան, Վենետիկի և Վիեննայի միաբանների
պատմության Երուսաղեմի հայոց պատրիար-
քության մասին: Դրանք, ճանաչողական նշա-
նակությունից զատ, փաստական հարուստ նյութ
են մատակարարում բոլոր այն գիտնականնե-
րին, որոնք Հայաստանում և արտասահմանում
զբաղվում են սփյուռքահայ գաղութների պատ-
մությամբ և նրանց ժամանակակից վիճակով:

Ուշագրավ է նաև գաղութահայ գեղարվես-
տի բաժինը, որտեղ գնահատվում ու արժեքա-

վորվում են սփյուռքահայ մի շարք նկարիչնե-
րի ու րանդակագործների ստեղծագործունե-
ները: Դրանց թվում են Հակոբ Գյուրջյանը,
Էզգար Շահինը, Օնիկ Ավետիսյանը, Դարիա
Կամսարականը, Օրագյանը, Ժանսեմը, Աշոտ
Զորյանը, Պոլ Կիրակոսյանը, Խորեն Տեր-Հա-
րությունյանը, Նվարդ Զարյանը, Բյուզանդ
Կոճամանյանը և ուրիշներ: Դրա հետ մեկտեղ
հիշատակվում են սփյուռքահայ դերասանների
կոմպոզիտորների, սեփախորների, երգիչ-երգ-
չուհիների և արվեստի այլ ասպարեզներում
ստեղծագործողների անուններ, որոնց թիվը
պատկանելի է:

Տարեգիրքը զգալի տեղ է հատկացնում
գաղութահայ գրականությանը, հրապարակելով
Բենիամին Նուրիկյանի, Վահե Հայկի (ԱՄՆ),
Զարեհ Մելրոնյանի, Տիգրան Վարժապետյանի
(Լիբանան), Վահրամ Մավյանի (Ֆրանսիա)
և մյուսների ստեղծագործությունները: Սա-
կայն դրա հետ միասին պետք է նշել, որ տա-
րեգրի տեսողաշտից դուրս են մնացել մի
շարք հայտնի գրական անուններ: Տարեգրի
կազմողները կարող են ասել, որ հնարավոր չէ
նրա մեջ ընդգրկել սփյուռքի բոլոր գրողների
ստեղծագործությունների նմուշները: Սակայն
պետք է նշել, որ տարեգրում տեղ են գտել
գեղարվեստական տեսակետից բավականաչափ
թույլ ստեղծագործություններ, որոնք որևէ նոր
խոսք չեն բերում գաղութահայ գրականության-
նր: Սովետահայ հեղինակներից «Հարթներ»-
բացառիկում տեղ են գտել Սիլվա Կապուտիկ-
յանը, Գևորգ Էմինը, Մարո Մարգարյանը և
ուրիշները:

«Պատմական ակնարկ մը օտար պետու-
թյան մեջ հայ գորավարներու և բանակներու
վրա» խորագրով հոդվածում հետաքրքիր շատ
փաստեր ու իրադարձություններ է վերլուծում
Հակոբ Թոփչյանը: Հոդվածն ընդգրկում է
բյուզանդական և արաբական տիրապետու-
թյան շրջանը:

Հայտնի է, որ սփյուռքահայության ընդ-
հանուր թվի վերաբերյալ մենք գիտականորեն
վերջնականապես ստուգված տվյալներ չունենք:
Դա կապված է պետական ստույգ վիճակագրա-
կան տեղեկությունների բացակայության հետ:
Սփյուռքի մամուլում ժամանակ առ ժամանակ
հրապարակվող տվյալները հայերի մասին մո-
տավոր են, թեև հստակ չեն իրականությունից:
Ըստ «Զարթոնք»-բացառիկում բերված տվյալ-
ների հայերի տարածումը արտասահմանում
այժմ հետևյալ պատկերն է ներկայացնում.
Միջին Արևելք՝ 650 հազար (Իրան՝ 135 000,
Թուրքիա՝ 150 000, Լիբանան՝ 110 600, Սիրիա՝
120 000, Եգիպտոս՝ 30 000, Իրաք՝ 15 000,
Հորդանան՝ 5 000, Կիպրոս՝ 3 500), Հյուսի-

ային և Հարավային Ամերիկա՝ 350 000 (ԵՄՆ՝ 250 000, Արգենտինա՝ 50 000, մնացած երկրներում՝ 50 000), Եվրոպա՝ 200 000 (Ֆրանսիա՝ 125 000, Բուլղարիա՝ 25 000, Ռումինիա՝ 25 000, Հունաստան՝ 9 000, Անգլիա՝ 3 000 և այլն), աշխարհի մյուս երկրներում՝ 50 000, ընդամենը՝ ավելի քան մեկ միլիոն 250 հազար մարդ։ Այս բնագծանույթ թիվը, մեր կարծիքով, մոտավորապես համապատասխանում է իրականություններ, թեև առանձին երկրների մասին տվյալները կարոտ են որոշ ճշտումներին։

Սփյուռքին նվիրված նյութերը ներդաշնակորեն լրացվում են Սովետական Հայաստանին նվիրված բազմապիսի նյութերով։ Դրան ավելացնենք, որ մի շարք հոդվածներում ուղղակիորեն շոշափվում են սփյուռքի և հայրենիքի փոխհարաբերությունները։ Դա մենք համարում ենք ոչ միայն օգտակար, այլև միանգամայն անհրաժեշտ։ սփյուռքում հրատարակվող և հայկական կյանքին նվիրված որևէ լուրջ ուսումնասիրություն, լինի դա մենագրություն, տարեգիրք, կամ որևէ այլ ձևերով, չի կարող իսկական հասարակական նշանակություն ստանալ, եթե այս կամ այն չափով չի շոշափում հայրենիքի անցյալի, նրա ներկայի և ապագայի հետ կապված և սփյուռքահայությանը կենսականորեն հուզող հարցերը։ Այդ մասին է, որ իրենց հեղինակավոր խոսքն են ասում սփյուռքի հասարակական գործիչներ, հրապարակագիրներ, գրողներ։ Անդրանիկ Անդրեասյանը, Ենոք Արմենը, Վահե Վահանյանը, Վահե Հայկը, Բարուհակ Թովմասյանը, Վահան Մալեզյանը և ուրիշները։ Ընդգծենք նաև այն կարեւոր պարագան, որ նրանք նույն պաշտի մարդիկ չեն, այլ ապրում են տարբեր երկրներում՝ Լիբանանում, Եգիպտոսում, Ֆրանսիայում, Ամերիկայում և այլուր։

Սփյուռքահայությունը վաղուց է բմբուկել այն պատմական ճշմարտությունը, որ Սովետական Հայաստանը ոչ միայն հզոր գրավական է սփյուռքահայ հատվածի գոյատևման, այլև նրա լավագույն՝ հույսերի, իդեալների ու ակնկալությունների մշտահորդ աղբյուրը։ Ահա թե ինչու այնքան բնական են հնչում տարեգրքի այս տողերը. «...պետք է անվերապահորեն խոստովանիլ, թե ներկայիս ամբողջ հայ կյանքի միակ պայծառ լուսաշող իրակահունքուն է Սովետական Հայաստանը։ Քանիդ անոր հանդեպ սնուցած սերը, մարել անոր միջոցով վառած հույսի ջահերը, կնշանակե քանդիչ հարված մը հայ սփյուռքի գոյությանը։ Սփյուռքը Հայաստանով և Հայաստանը սփյուռքով։ Ահա այս պետք է ըլլա փոխադարձ հարաբերության սկզբունքը» (էջ 262)։

Մեր կողմից արդեն հիշատակված Ռուբերտ Ժեպեճյանը իրավացիորեն գտնում է, որ «հեռավոր երկիրներում տակ հայ հավաքականություններու գոյատևումն անդամ մի կերպ աննպատակ ճիգ մը պիտի ըլլար, եթե գոյություն չունենար մեր հայրենիքի շողջողուն իրականությունը» (էջ 243)։ Նույն կարծիքին է հրապարակագիր Նշան Սաթեմաչյանը, որը գրում է. «Սփյուռքը կձուլվի, կհալի, կայլասերի, եթե ամեն օր չհաղորդվի Մայր Հայրենիքի արյունով ու մարմինով, եթե ամեն օր չխայտա անոր երգերով ու պարերով, եթե ամեն օր իր կուրծքը չուռչի անոր աշխարհահուշակ զավակներու համբավով» (էջ 100)։

Տարեգրքի մի շարք նյութերում բնագործվում է այն կենդանի հետաքրքրությունը, որ Սովետական Հայաստանի աշխատավորներն ու մտավորականությունը ցուցաբերում են սփյուռքահայ կյանքի բոլոր ասպարեզների նրկատմամբ։ Հսկայական նշանակություն են ստանում փոխադարձ այցելությունները, սփյուռքահայ արվեստագետների ելույթները հայրենիքում, սփյուռքահայ գրողների երկերի հրատարակությունը։ Դժվար է գերազանցատել Սովետական Հայաստանի երաժշտական կոլեկտիվների, գրողների և կուլտուրայի բոլոր մարզերի գործիչների այցելությունների նշանակությունը սփյուռքահայ աշխատավորներին։ Ֆրանսահայ գրող և հասարակական գործիչ Ենոք Արմենը անդրադառնալով այդ փոխադարձ լայն կապերին ու հետաքրքրություններին, գրում է. «Հայաստանի գրական բոլոր օրգանները, պաշտոնական հիմնարկություններ կամ գրողներ, անհատաբար և հավաքաբար, այնքան մոտ, տաք և անվերապահ շահագրգռություններով կգրավվին արևմտյան հայության նին ու նոր գրական շարժումի հարցերով ու անոնց դիմահեղություններով, որ զարմանքն զատ հիացում կպատճառեն... սփյուռքի գրական ամեն շարժում և գրողներու գործունեության ամեն մանրամասնություն բժախնդիր նժարով կկշռվի և կդատվի Հայաստանի սեզ։ Այդ ուշադրությունը կտարածվի նաև բնկերային շարժումներու վրա» (էջ 182)։

Ուրախալի է նշել, որ սփյուռքահայ աշխատավորական զանգվածները, նրա ծոցից ելած մտավորականությունը Սովետական Հայաստանի ճակատագիրը անվերապահորեն կապում են սովետական բազմազգ պետության հետ, բոտարժանվուն գնահատում ու հասկանում Սովետական Միության ժողովուրդների բարեկամության վճռական նշանակությունը սովետական բոլոր սեպուրիկաների, այդ թվում և Սովետական Հայաստանի զարգացման ու բարգավաճման գործում։ Թեև գաղութահայության

հետադիմական ուժերը շատ ճիգեր են գործադրում, որպեսզի սփյուռքահայության մեջ սերմանեն ազգայնամոլության ու ատելության դադափարները, պարփակեն նրան նեղ ազգային կաղապարի մեջ, բայց այդ նրանց չի հաջողվում: Պատմական հարուստ փորձով սփյուռքահայությունն այժմ իմաստնացել է, դարձել աշխուրջ ու շրջահայաց: «...Ինչ փառավոր և հրաշազան իրականություն է այսօր տեսնել, շնորհիվ այդ իսկ սովետական կարգերուն 49 տարիի ի վեր ձևոր բերած սխրալի հաջողություններ,—կարդում ենք տարեգրքում: —Արամ հաշատրյանի բերնով իսկ հրձվանոր լսեցինք, որ Կովկասի երբևմնի իրարամարտ ցեղեր այժմ եղբայրական զգացումներով իրարու կուստարեն» (Լջ 253):

Արդեն ասացինք, որ տարեգրքի շատ նյութեր լուսարանում են Սովետական Հայաստանի կյանքի իր բազմազան կողմերով: Մենք հետաքրքրությամբ կարդացինք «Սովետական թատերագրության ուղին», «Սովետական Հայաստանի քառասուն տարվա վերելքի հորելյանին սութիվ իրասպաշտ տեսանկյուններ», «Արամ հաշատրյանի երաժշտությունը հոգիին խորեն կուգա», «Սովետական Հայաստանի տնտեսությունը» հոդվածները: Դրանք լրացվում են սովետահայ հեղինակների մի շարք հոդվածներով, որոնք նվիրված են Մարտիրոս Սարյանի,

Աբրահամ Ալիխանյանի, Վիկտոր Համբարձումյանի, ծովակալ Բսակովի գործունեությանը: Տարեգրքը զետեղել է Հայաստանի կոմունիստական պարտիայի Կենտրոնական կոմիտեի առաջին քարտուղար Յակով Ջարոյանի հայտարարությունը հայրենագարծության մասին, հակիրճ կենսագրական տեղեկություններ հեղսփոխական ականավոր գործիչներ Ալեքսանդր Մյասնիկյանի և Ադասի հանջյանի մասին, ուզում ենք հատկապես նշել տարեգրքի խմբագրության ջանքերով պատրաստված «Հայաստանի ժամանակագրությունը», որն ընդգրկում է 1920-ից մինչև 1960 թվականի ժամանակաշրջանը: Այստեղ ժամանակագրական կարգով տրվում են բոլոր կարևոր իրադարձությունները:

Հավ պատկերազարդված և 500 էջից բաղկացած այս տարեգրքում, ինչպես տեսանք, զետեղված են բազմաթիվ նյութեր՝ հոդվածներ, գեղարվեստական գործեր, ակնարկներ, ուսումնասիրություններ և այլն: Իհարկե, մենք չենք կարող լիովին բաժանել զրանցում արտահայտված բոլոր մտքերը, մի շարք հարցերում մեր րմբոնումները տարբեր են: Սակայն, չնայած դրան, տարեգրքը, ամբողջությամբ վերցրած, դրական գործ է և լավ նվեր սփյուռքի ընթերցող հասարակությանը:

Ս. ԳԱՊԱՐՅԱՆ